

UGIP Rino Zandonai učestvuje u projektu "Promocija nacionalnih manjina u Gradu Tuzli"

Grad Tuzla, u saradnji sa udruženjem Euro-Rom Tuzla, realizuje 7-mjesečni projekat pod nazivom "Promocija nacionalnih manjina u Gradu Tuzli". Projekat finansira Vijeće Europe u okviru realizacije projekta "Jačanje zaštite nacionalnih manjina u Bosni i Hercegovini". Projekat ima za cilj promociju nacionalnih manjina zastupljenih u Gradu Tuzla, što se realizuje učešćem udruženja nacionalnih manjina Albanaca, Italijana, Jevreja, Makedonaca, Roma i Slovenaca.

Projektom će se realizovati niz inicijativa, kao što je ciklus predavanja o nacionalnim manjinama u osnovnim školama u Tuzli, organizovanje Dana nacionalnih manjina u Tuzli (7.2.2019. u gradskom Pozorištu), održavanje press konferencija, snimanje dokumentarnog filma o nacionalnim manjinama, kao i izrada i promocija publikacije o tuzlanskim nacionalnim manjinama. U svim aktivnostima učestvuju članovi UGIP „Rino Zandonai“ i na taj način daju doprinos očuvanju italijanske tradicije, kulture i jezika u Tuzli.

UGIP Rino Zandonai učestvuje u projektu "Promocija nacionalnih manjina u Gradu Tuzli" - Željko Mott održao predavanja u osnovnim školama u Tuzli



U okviru realizacije projekta "Jačanje zaštite nacionalnih manjina u Bosni i Hercegovini" koji se odnosi na "Promociju nacionalnih manjina u Gradu Tuzli" Željko Mott je učenicima osnovnih škola u Tuzli održao predavanja o Italijanima u Tuzli. Učenike je upoznao sa istorijom Italije, vrijeme prije ujedinjenja u Kraljevinu, pred drugi svjetski rat do proglašenja Italije Republikom 2. juna 1948 godine.

Pošto većina porodica Italijana dolazi u Bosnu i Hercegovinu iz pokrajne Trentino, u drugom djelu predavanja akcentat je bio na položaju provincije Trentino i Južnog Tirola za vrijeme Kraljevine Italije i Austro-Ugarske Monarhije, te razlogom masovnog preseljenja Italijana sa prostora provincije i drugih krajeva Italije u Bosnu i Hercegovinu. U trećem djelu predavanja, Željko je prezentovao dolazak Italijana u Tuzlu, njihov život, djelovanje i doprinos u novoj sredini do današnjeg vremena.

Predavanja su održana u pet Osnovnih škola: Osnovna škola "Jala" učenicima VII razreda, Osnovna škola "Tušanj" učenicima VII i VI razreda, Osnovna škola "KŠC Sv Franjo" učenicima VI razreda, Osnovna škola "Centar" učenicima VIII razreda, Osnovna škola "Brčanska Malta" učenicima VI razreda. Tokom predavanja učenici su pokazali značajnu pažnju za teme predavanja, a u razgovoru sa učenicima, nastavnicima i pedagogima škola koji su prisustvovali predavanjima,

projekat je dobio visoku ocjenu, a zaključak je bio da je projekat potreban zajednici i ako postoji mogućnost njegovog nastavka u budućnosti.

PROGRAM SOLIDARNOSTI 2018.

Trentini nel mondo su dostavili obavijest o programu SOLIDARNOSTI 2018. u kojem su kandidati za 2018. godinu sljedeći članovi udruženja Rino Zandonai, Klub Trentina:

1508	Bradvicic Vlasta, Mott
57	Brdanovic Miroslav, Mott
62	Daldon Boner Zorka
3466	Dobnik Nada, Daldon
72	Hodzic Fadila, Menegoni
1510	Ivankovic Hedviga, Fontan
76	Ivkovic Lijiljana, Segat
81	Karamovic Damir, Segat
97	Montibeller Josip
3462	Pendic Zoran, Zamboni
442	Segat Valerija
113	Segat Zdenko
114	Senkas Renata, Mott

126	Vasilj Lucija, Bancher
128	Zamboni Anton
129	Zamboni Sinisa
130	Zamboni Vlado
131	Zamboni Zvonko
3654	Mott Berislava

Članovi Trentina mogu predlagati nove kandidate za dodjelu solidarne pomoći iz Trenta.

Socijalna radnica će obići kandidate i dostaviti prijedlog za dodjelu pomoći. Pored obrasca prijedloga koji, kao i do sada, potpisuje svaki kandidat, novost je da svaki kandidat mora potpisati saglasnost da je upoznat o pravilima korištenja privatnih podataka. To je zahtjev Europske unije kad su u pitanju programi novčane podrške. Obrazac, dostupan trenutno na Italijanskom, koji kandidat potpisuje na dnu treće stranice je OVDJE.

ODRŽAN SEMINAR „NOVE FORME ZAPOŠLJAVANJA I EUROPSKA MOBILNOST“

U organizaciji EZA i UNAIE održan je seminar za mlade trentinskog porijekla pod naslovom „Nove forme zapošljavanja i europska mobilnost“. Seminar je održan u Levico Terme, Trento, u periodu od 19.-21.10.2018. godine. Na seminaru su bili učesnici iz BiH - iz Tuzle Željko Mott i Benjamin Razić, kao i pet članova udruženja iz Banja Luke.



NOVO POKOLJENJE OBITELJI SEGAT



Andrea Segat Filipović, mlađa kćerka Ivice i Koviljke Segat, živi u Austriji sa suprugom Borisom. Andrea i Boris su dana 14. jula 2018. godine, u Insbrucku, dobili su sina Filipa.

Čestitke roditeljima i roditeljima roditelja, a malcu Filipu želje za zanimljiv život sa puno užitka i susreta sa bakom Koviljkom Segat.

Poziv obiteljima italijanskog porijekla za učešće u izradi knjige o Italijanima u Tuzli i okolini



Ministarstvo za ljudska prava i izbjeglice BiH finansira pripremu i štampanje knjige o italijanskim obiteljima koje žive u Tuzli i okolini. Od Trentini nel mondo su tražena dodatna sredstva za štampanje dodatnog broja knjiga, a sve sa namjerom da se knjiga besplatno distribuiraju članovima italijanske zajednice u Tuzli.

Urednik knjige je Tihomir Knežiček, a članovi udruženja "Rino Zandonai" će pomoći u prikupljanju materijala za knjigu. Svi ranije dostavljeni materijali će biti uvaženi, a svaka dopuna ili promjena je dobro došla.

Ova obavijest je poziv članovima obitelji Italijana, u BiH i inostranstvu, da dostave materijale (tekstove, fotografije, dokumente) koji će biti uvršteni u knjigu. Rok za dostavljanje materijala je 2.4.2019. godine. U pripremi materijala pomoć daju i članovi udruženja uključeni u izradu publikacije – Željko Mott, Marija Miladinović, Nikola Šimić, Koviljka Segat, Tihomir Knežiček.

Koncept knjige će biti isti kao što je bio u prvoj knjizi pod nazivom "Stoljeće Italijana u Tuzli" koja je bila izdata 2010. godine, i koja je dostupna u cijelosti u PDF formatu. U knjizi iz 2010. godine obrađeno je 18 obitelji, a sadržaj nove knjige će biti proširen sa još najmanje 5 novih obitelji (od kojih je većina već dostavila materijale za knjigu). Od ranije zastupljenih obitelji očekuju se proširenja informacija o članovima obitelji koji nisu bili obuhvaćeni prvom knjigom. Završetak knjige i štampanje se očekuje do kraja augusta 2019. godine kad će biti promocija knjige.

Potpisan ugovor sa Ministarstvom za ljudska prava i izbjeglice BiH za knjigu o Italijanima



Potpisan je ugovor sa Ministarstvom za ljudska prava i izbjeglice, ministrica Semiha Borovac, za realizaciju projekta izrade i štampanja knjige o tuzlanskim Italijanima.

Ugovor u ukupnoj vrijednosti od 9.950 KM potpisan je u Sarajevu 5.10.2018. Potpisom ugovora započinje priprema za izdavanje druge knjige o obiteljima koje imaju italijansko porijeklo, a žive ili su živjele na području Tuzle i okoline.

Udruženje Rino Zandonai učestvuje u projektu „Promocija nacionalnih manjina u Gradu Tuzla“



Grad Tuzla, u partnerstvu sa udruženjem Euro Rom Tuzla i saradnji sa pet udruženja nacionalnih manjina koje djeluju u Tuzli, realizuje sedmomjesečni projekat pod nazivom „Promocija nacionalnih manjina u Gradu Tuzla“.

Projektom će biti realizovane aktivnosti u koje će aktivno biti uključeni članovi udruženja Italijana „Rino Zandonai“, a planirano je održavanje predavanja u pet osnovnih škola u Tuzli o nacionalnim manjinama (Željko Mott), organizacija manifestacije „Dan nacionalne manjine“ (Čaušević Mirjana Beba), izrada publikacije o nacionalnim manjinama u Tuzli (Tihomir Knežiček) i završna manifestacija na kojoj će biti promocija publikacije i gastronomskih vještina pripadnika nacionalnih manjina (Berislava Mott). U direktne aktivnosti se mogu pridružiti i drugi članovi udruženja.

Vjenčanje Dine Mujkanović i Nine Katkić 15.9.2018.



U Tuzli je 15.9.2018. godine bilo vjenčanje Dine Mujkanović i Nine Katkić. Dino Mujkanović je rođen 19.4.1991. u Tuzli od roditelja majke Rosana Gojo-Mujkanović i oca Damira Mujkanovića. Završio je Pravni fakultet u Tuzli, zaposlen u pravnoj službi Bingo kompanije u Tuzli.

Uz veliku radost roditelja, Dino se vjenčao sa Ninom rođena Katkić. Nina Mujkanović, rođena u Tuzli 13.7.1990. godine, diplomirana je pravnica, zaposlena u Općini Lukavac.

Kćerka je Nermina Katkića iz Tuzle i majke Snježane rođena Todorović iz Tuzle. Novi životni putevi su ispred Nine i Dine, a čestitke upućuju članovi italijanske zajednice u Tuzli.



Uživanje za Dan italijanske kuhinje u Tuzli 2018



U Tuzli je 1.9.2018. godine održana manifestacija Dan italijanske kuhinje u Tuzli 2018. Po deveti put – nije šala! Vanredno zanimljiv događaj. Klopa vrhunaska, vrijeme bez kiše - odlično, građani zadovoljni, članice ponosne. Manifestacija je



realizovana bez ijednog propusta. Jedino je Zimska olimpijada u Sarajevu 1984. bila bolje organizovana, a i tu vladaju dileme (kao - lako je zimi organizovat'

olimpijadu kad pada snijeg, a kako je teško organizovat' ljeti Dan italijanske kuhinje kad ne pada snijeg).

Učešće, kao i ranijih godina odlično, članice pripremile i podijelile gastronomske užitke, seniori i oni što se bliže seniorima napraviše ambijent da sve pripremljeno bude i lijepo pokazano. A kad se sve završilo, sve je vraćeno u stanje kako je zatečeno. Hvala učesnicima.

Do godine – 10 godina Dana kuhinje!

Sjećanje na Eriku Segat

Erika Segat je rođena 16.7.1950. godine u Tuzli. Nije imala potomstvo, niti se udavala. Živjela je sa sestrom Valerijom Segat cijeli svoj život. Stalno narušenog zdravlja Erika je 28.8.2018. u 17.20 umrla od pritiska vode u organizmu, a sahranjena je na groblju Borić dva dana nakon smrti. U stalnim životnim tegobama i ograničenjima, Erika je završila 4 razreda osnovne škole.

Nije imala nikad zaposlenje, a glavni oslonac u životu bila joj je sestra Valerija. Nije bila izrazito komunikativna, ali je pomagala Eriki u svakodnevnim poslovima u kući. Živjela je u najvećoj zgradi u Solani, a zbog problema silaska niz stepenice, iz stana je zadnji put izašla 2014. godine kad je vadila lične dokumente.

Sjećanje na sestre Čabraja



U Živinicama su živjele sestre Đordina Čabraja (rođena 15.6.1939. u Cetinju) i Šoć Smiljka (rođena 23.2.1944. u Cetinju), italijanskog porijekla, sa stalnim cjeloživotnih zdravstvenim problemima.

Nekako nečujno Đordina je preminula 28.2.2016. godine, a njena sestra Smiljka samo 5 dana kasnije. Sahranjene su na gradskom groblju Živinice.

NAJAVA DAN ITALIJANSKE KUHNJE U TUZLI – 1. SEPTEMBAR 2018.



Udruženje građana italijanskog porijekla "Rino Zandonai" Tuzla po deveti put organizuje „Dan italijanske kuhinje u Tuzli 2018“. Kao i svih proteklih godina, Dan italijanske kuhinje je događaj na kojem se građanima Tuzle nudi besplatna degustacija tradicionalnih italijanskih jela, kao i pića.

Događaj je planiran za 1.9.2018. (subota) od 19.00 u centru grada, ispred bivšeg kina Centar. Ovo je deveti put da se organizuje ovaj događaj, a svi raniji nastupi su ostavili značajan utisak na veliki broj građana koji su imali priliku da probaju italijanska jela koja su pripremile domaćice koje su članovi Udruženja.

Ove godine je planirano da se zadrži isti koncept, tako da će na pripremi hrane raditi iste i nove članice Udruženja. Manifestaciju finansiraju Trentini nel mondo (550 KM), Turistička zajednica Tuzlanskog kantona (400 KM) i Grad Tuzla (300 KM), a kao i svih prethodnih osam godina, podršku u vidu mesnih proizvoda daje kompanija Menprom doo Gornja Tuzla.

Zainteresovani su dobrodošli na Dan italijanske kuhinje u Tuzli 2018.

REALIZOVANA OBUKA O STRATEŠKOM PLANIRANJU 26.-28.4.2018.



Udruženje građana italijanskog porijekla „Rino Zandonai“ Tuzla pripremiло je i realizovalo obuku za udruženja nacionalnih manjina u BiH u oblasti strateškog planiranja. Projekat je podržan od strane Ministarstva za ljudska prav i izbjeglice BiH.

Trodnevna obuka je održana u periodu od 26.4. do 28.4.2018. godine u Bosanskoj Krupi. Na obuci su sudjelovali predstavnici udruženja Makedonaca iz Tuzle i Banja Luke, Čeha iz Sarajeva i Italijana iz Tuzle, Sarajeva i Banja Luke. Gosti na obuci su bili Želimir Lalić,

ispred Ministarstva za ljudska prava i izbjeglice BiH, i Esma Hergić predstavnica općine Bosanska Krupa.

Pomoć u organizaciji obuke pružio je Dino Kabiljagić, dugogodišnji humanista i aktivista u nevladinom sektoru iz Bosanske Krupe. Upriličen je i kraći susret i fotografisanje sa načelnikom općine Bosanska Krupa Arminom Halitovićem. Učesnici obuke su u rezultatu uradili nacrt vlastite strategije djelovanja za naredne tri godine, što će, očekivano, biti detaljnije razrađeno u formu strateškog plana udruženja nacionalnih manjina u BiH. Učesnici obuke su dali pozitivno mišljenje o postignutim rezultatima i izrazili zahvalnost organizatoru i donatoru za uspješnu realizaciju trodnevne obuke.



UDRUŽENJA ALBANACA DARDANIA TUZLA DODIJELILO ZAHVALNICU TIHOMIRU KNEŽIČEKU 24.4.2018.



Udruženja Albanaca Dardania Tuzla je 24.4.2018. godine proslavilo i obilježilo 10 godina kontinuiranog rada na očuvanju albanske kulture, tradicije i jezika u Tuzli i BiH. Skupu, koji je održan u maloj sali BKC Tuzla, prisustvovalo je oko 50 članova udruženja Dardania i gostiju iz različitih sfera društvenog života Tuzle. Na skupu je promovisana publikacija pod nazivom „Udruženje Dardania 10 godina djelovanja“.

Predsjednik udruženja Dardania Rizah Sokoli je na proslavi udruženja dodijelio, između ostalih, Zahvalnicu Tihomiru Knežičeku predsjedniku UGIP Rino Zandonai Tuzla za doprinos u radu i afirmaciji udruženja nacionalnih manjina, kao i širenje međusobne saradnje. Dodjelom Zahvaline potvrđena je dugogodišnja lijepa saradnja dva udruženja i spremnost za buduće aktivnosti udruženja koje doprinose zaštiti nacionalnih manjina u gradu Tuzla i okolnim mjestima.



UDRUŽENJE U MAJU 2018. PREDALO TRI PRIJEDLOGA PROJEKATA

UGIP Rino Zandonai Tuzla je predalo prijedloge projekata po osnovu Javnih poziva za finansiranje oblasti kulture i očuvanja tradicije nacionalnih manjina. Pripremljene su i predate prijave projekata Ministarstvu za ljudska prava i izbjeglice BiH za štampanje knjige o tuzlanskim Italijanima (drugo izdanje), Gradu Tuzla za manifestaciju Dan italijanske kuhinje u Tuzli 2018, i Turističkoj zajednici Tuzlanskog kantona za sufinansiranje u troškovima manifestacije Dan italijanske kuhinje u Tuzli 2018.



Obuka za strateško planiranje 26-29. april 2018.

Projektom „Moja strategija“ koji realizuje udruženje „Rino Zandonai“ Tuzla, Ministarstvo za ljudska prava i izbjeglice BiH podržava organizaciju i održavanje besplatne trodnevne

obuke na temu izrade strategije za udruženja nacionalnih manjina u BiH koja su zainteresovana da razviju vlastitu strategiju.

Obuka se održava u Bosanskoj Krupi u periodu 26.-29. april 2018. godine. Učesnici su po dva predstavnika iz osam udruženja koja isključivo rade na održanju tradicije, kulture i jezika nacionalnih manjina prisutnih u BiH. Zainteresovani za učešće mogu se javiti e-mailom na adresu udruženja ili Predsjedniku udruženja na tel. 062335930.



Počela realizacija programa fonda solidarnosti za 2018.



Trentini nel mondo je u zadnjim danima marta 2018. započeo isplate novčane pomoći za članove udruženja u okviru programa fonda solidarnosti.

Očekivano je da će sve isplate biti realizovane do 6.4.2018. godine. Kao i prethodnih godina, sredstva pomoći će biti uplaćena na bankovne račune članova koji po kriteriju Trentini nel mondo imaju pravo na dodjelu sredstava iz fonda solidarnosti.